

輯貝  
續  
皇朝史略  
五

福岡第一師範學校  
學校圖書

|        |   |   |
|--------|---|---|
| 分類號    | 第 | 號 |
| 歷史科學門  |   |   |
| 日本史部   |   |   |
| 通記部    |   |   |
| 叢書     | 冊 | 號 |
| 210.08 |   |   |
| 24719  |   |   |

白門

|   |   |    |
|---|---|----|
| 系 | 冊 | 冊內 |
| 號 | 冊 | 號  |

T1A1  
26  
A 58

續續皇朝史略卷之五

陸前 磐溪大槻清崇刪定

長門 桐陰石村貞一纂輯

櫻町天皇諱昭仁先帝第一子也母新中和門院准  
三宮藤原家熙之女享保十三年六月立為皇太子  
至是受禪時年十六尊先帝為太上天皇○秋八月  
法親王慈仁薨○冬十月奉幣於大廟告嗣位○十  
一月行即位禮○元文元年春正月惟通辭內大臣  
以權大納言藤原常雅為內大臣常雅定誠之孫也

圖書 和國書 題



013803237716

福岡教育大学蔵書

○夏四月改元元文○五月吉宗改鑄諸幣款曰文  
以新金百六十五兩換故金百兩以新銀十五貫換  
故銀十貫以行之之數實○秋八月家久辭關白左大  
臣吉忠為關白○冬十一月御息所舍子為女御吉  
宗遣松平朝矩賀之○伊藤長胤卒年六十七長胤  
字原藏號東涯仁齋之子其墓碣銘內大臣藤原常  
雅之權中納言藤原俊將篆額右中將藤原英朝書  
其之談○二年春二月吉宗鑄錢於山城島羽○  
夏四月上皇崩年三十七稱中御門院天皇五月葬

於泉涌寺○德川家重生家治於西城武家補任○六月  
內大臣常雅罷權中納言藤原宗熙進內大臣宗熙  
關白吉忠子也○秋八月吉忠薨○右大臣兼香為  
關白○九月勅修北斗法於東寺僧正隆幸主之○  
冬十一月關白兼香陞左大臣○十二月北野管廟  
成遷神於正殿○安積覺平覺字子先常陸人幼師  
朱之瑜及長博學然文史學尤擅長乃入彰考館充  
史編總裁大日本史全部二百四十六卷前後與者  
數十百人而覺之功居多焉覺至老精力不衰其撰

烈祖成蹟時年七十二二談○三年春正月內大臣  
宗熙為右大臣權大納言藤原道香為內大臣道香  
關白兼香之子也○三月法親王公寬薨○夏六月  
右大臣宗熙薨無子以藤原幸教子宗基繼之○秋  
八月道香為右大臣前內大臣常雅復任○冬十一  
月奉幣於伊勢加茂石清水廟取未於近江丹波大  
嘗○四年春正月吉宗薨德川宗春令其從弟宗勝  
世初宗春游戲無度吉宗數教戒之不聽終有此  
命○二月常雅攝內大臣權大納言藤原植基為內

大臣植基前左大臣輔實之孫也○夏五月朝鮮商  
船漂到陸奧新益柳營秘鑑○冬十二月法親王尊胤薨○  
五月春三月大阪城代太田資晴卒○夏四月酒井  
忠知為大阪城代○五月勅起竹臺於使殿西庭以  
為歌會場○六月東埔寨商舶來長崎乞貿易不報  
○冬十月修新嘗及豐明節會新嘗廢者二百八十  
年至是修之而後每年行之○是年吉宗為左近衛  
中將宗尹建第於一橋門內是為一橋家祖宗尹吉  
宗四子也家譜稿○寬保元年春正月武德編年集成

成本村高敦所撰也○二月改元寬保○皇子遐仁

生○秋八月吉宗陞右大臣權大納言家重兼右近

衛大將補右馬寮御治為權大納言叙從二位

○冬十一月吉宗徙久松定賢於白川柙原政一於

高田○二年春二月東埔寨商舶又來獻方物乞互

市乃與信牌遣歸○夏四月吉宗禁民間用瘞埋錢

世俗瘞瘞以救文錢收棺謂之草鞋錢或呼為六道

錢至是停之○吉宗遣青木敦書於東海諸國索遺

書古記敦書獲古貨數品而歸敦書字文藏武藏人

嘗嘆曰凡有罪戾死則處遠流者要在使其終天年

然諸島少穀動輒餓死意者穀外可以當穀者莫如

薯蕷也乃陳之官官乃徵其種子於薩摩頒之諸島

及東海以植之民大悅彌曰甘薯先生談叢○六月所

司代土岐賴稔為老中牧野貞通為所司代○秋七

月畿內及東海東山北陸三道大風水村舍城壁皆

壞人民溺死無算而入間川大溢相摸豪農莠生正

卿者請父曰大人平素誨以節儉豈不為今日之備

耶願傾世積以賑之父計之乃大發倉廩饑民膺至

每人與米四升更為粥食之廩竭矣馳人四方買米及雜穀金盡矣實田江戶以繼之至明年四月而止其所全活六百餘人惠及四十八村○冬十月吉宗修秋水所壞命細川毛利藤堂阿部仙石間部稻葉等十族助役○三年春正月減荷蘭貿易歲額之半○二月內大臣植基薨無嗣勅叔父權僧正克嚴蓄髮以繼之更名尚實○夏四月吉宗禁民間用銀簪○五月以權大納言藤原基輝為內大臣居數日薨無嗣○六月以權大納言藤原內前為內大臣內

前家久子也○冬十月閑院親王直仁季子輔平為關白無香義子繼藤原基輝之後○以伏見邦忠為親王○延享元年二月改元○夏四月老中松平信祝卒○五月大阪城代酒井忠知為老中堀田正亮為城代續藩翰譜○秋七月京師大雨雹○九月奉幣於宇佐香推兩廟是禮久廢至是修之○老中土岐賴捨卒○吉宗令清商貢冊府元龜續文獻通考圖書編右編丞史編說文長箋品字箋百川學海玉海九部○冬十月求甘薯於外舶植之各所○吉宗多能

親製簡天儀置之神田天畫大黑天像刻以與人州

○二年春二月關白兼香辭左大臣以前右大臣致

季為左大臣○三月吉宗請法親王敬仁修法華八

講於紅葉山風也○左大臣致季罷右大臣道香代

之前內大臣冬熙為右大臣○夏五月冬熙辭右大

臣前內大臣惟通為右大臣○法親王公遵自日光

入朝任天台座主賜牛車紀○秋九月吉宗辭大將

軍從西城家重入本城聽政○以西尾忠尚為老中

○冬十月詔以家重為征夷大將軍任內大臣叙正

二位遣使就江戶拜之○十一月堀田正亮為老中

阿部正福為大阪城代○閏月右大臣惟通罷內大

臣內前轉右大臣權大納言藤原宗基為內大臣○

賜親王直仁牛車○三年春正月關白兼香為太政

大臣○二月家重發巡察使於諸國○三月皇子遷

仁為親王○夏六月老中本多忠良罷○冬十月以

本多正珍為老中○法親王尊賞薨○十一月家重

奉勅修櫻町宮○兼香辭關白左大臣道香代之○

四年春三月親王遷仁元服為皇太子○夏四月

法親王遵仁薨○五月關白道香攝政○帝讓位於皇太子從御櫻町宮在位十三年改元者三曰元文寬保延享太子立是為桃園天皇

桃園天皇諱遐仁先帝第三子也母開明門院大納言藤原實武之女延享四年三月立為皇太子至是受禪時年七歲尊先帝為太上天皇○秋八月板倉勝談斫細川宗孝於城中勝談嘗有怨於同族某欲殺以報之誤見宗孝之服章九曜為九鼓迷亂斬之家重賜勝談死收其邑九鼓板倉氏章○九月天皇

行即位禮○寬延元年夏四月帝始讀書○五月朝鮮來聘○秋七月改元○冬十二月關白道香辭左大臣前右大臣冬熙為左大臣○琉球入貢○二年春正月老中酒井忠知罷○二月冬熙辭左大臣右大臣內前代之前內大臣常雅為左大臣○秋八月以法親王亮恭為天台座主○九月所司代牧野貞通卒○酒井忠寄為老中○冬十月松平資俊為所司代○十一月常雅辭右大臣內大臣宗基轉右大臣權大納言藤原經秀為內大臣十二月罷權大納



言藤原實顯代之○三年春三月以皇姊智子為內親王○夏四月上皇崩年三十一稱櫻町天皇○江戸雨雹大如拳人馬死傷陸奧日光最甚風也○五月葬上皇於泉涌寺○秋八月實顯辭內大臣以權大納言源通兄代之○京師大雷震二條城天主閣災○九月京師四郊草木皆華風光如春風也○冬十二月內大臣通兄罷以權大納言藤原尚實代之○寶曆元年春二月北陸雨赤雪○夏四月越後地大震半夜三十餘回廬舍盡壞壓死一萬六千餘人

翁仲年長○六月前大將軍吉宗薨年六十八葬寬永寺

謚有德○秋七月勅贈正一位太政大臣○太政大臣兼香嚴無幾薨年六十○冬十月改元寶曆○是歲勸修寺文學良野芸之獲僧裔然還本鄭注孝經於東大寺刊之於是鄭注始顯於世紀○二年春三月所司代松平資俊卒○夏四月以大阪城代酒井忠用補所司代松平輝高為城代○冬十二月琉球入貢○三年夏六月開院親王直仁薨年五十子典仁嗣紹運續錄○諸國麻疹○冬十一月朔日南至陰陽

頭安倍泰邦奉勅測景於天文臺家重使天文方澁川圖書西川忠次來陪焉風也集一覽○四年春正月

右大臣宗基薨○二月前內大臣實顯為右大臣五

月罷前內大臣通光代之○秋七月家重濬木曾川

令島津重年助役○勅以伏見親王貞建叙一品賜

牛車薨子邦忠嗣○冬十月詔安倍泰邦改曆名曰

寶曆甲戌曆頒之天下綱目○是歲家重賜孝子平

三白金若干平三陸與宇多郡人自幼事親無違其

妻亦善事舅姑舅姑好踏歌平三每中元請村人踏

歌門前夫妻俱之以供二親之歡亡後刻二親小像

出則告之歸則面之暑則扇二像供蚊帳而日告家

事如事生至是旌其孝云紀聞○五年春正月右大臣

通兄嚴內大臣尚實代之權大納言藤原經胤為內

大臣補任○二月家重削加納城主安藤信尹封誅其

宰以下數人徙其子信明於岩城以信尹君臣極奢

濫刑也○秋七月朝鮮告窮家重賜一萬金賑之爾

後三年同之續一覽○冬十一月经胤辭內大臣權大

納言藤原公晃代之○後三位藤原富子為女御富

子准三宮兼香女補任紀事○六年夏四月所司代酒井

忠用罷○五月松平輝高為所司代井上利容為大

阪城代○內大臣公晃罷權大納言藤原輔平為內

大臣補任散○七年春三月關白道香罷左大臣內

前為關白補任槐記○夏四月東海北陸大水道路壞沒

人馬溺死尾張最多風也集○秋八月法親王忠譽至

自大峯禳聖躬先是奉勅往熊野及大峯至是歸紀聞

○八年秋七月皇子英仁生御譜○權大納言藤原公

積權大納言藤原光胤權大納言藤原公城權中納

言藤原俊逸右中將藤原隆古少納言平時名左中

辨藤原資望左少將源通維等有罪詔褫其官爵禁

錮之若井覺書紀聞○冬十月松平輝高為老中○十一月

大阪城代井上利容為所司代育山忠朝為城代藩續

譜○是歲竊八幡城主金森賴錦於南部初賴錦虐

政苦民其聽訟概以賄賂斷曲直直者不服怨之江

戶故有此命年表○九年春二月內親王智子叙一品

○三月女御富子准后○夏五月皇子英仁為親王

補任宣下○賀州金澤災城樓蕩燼前田重教貸五

萬金於幕府以修城郭表年○六月伏見親王邦忠薨

無子紹運續錄紀開○秋九月以家重子重好叙從三位

任中將家重營第於清水以居之是為清水家祖本

續一○冬十一月關白內前辭左大臣右大臣尚實

代之內大臣輔平轉右大臣權大納言藤原道前為

內大臣道前尚實之子補仕宣下留○十年春正月將軍

家重陞右大臣權大納言家治無右近衛大將○夏

四月家重辭大將軍○六月第二皇子貞行紹伏見

殿○秋七月家治為征夷大將軍遷內大臣叙正二

位補仕○青山忠朝卒松平康福為大阪城代○冬

十二月所司代井上利容為老中阿部正右為所司

代續藩論譜一覽○十一年春三月松前大風壞商舶

七千餘艘表年○夏六月前將軍家重薨年五十一○

秋七月葬增上寺贈太政大臣正一位謚惇信公卿補仕

諸畧一本○十二年夏四月修法華風法於清涼殿事○

秋七月帝崩年二十二稱桃園天皇在位十六年改

元者二曰寬延曰寶曆皇姊智子立是為後櫻町天

皇

後櫻町天皇諱智子櫻町帝第二女也母青綺門院

寬延三年立為內親王至是踐祚時年二十三紹運錄

御譜○八月奉桃園天皇於泉涌寺陵廟記○九月帝為

桃園帝追福賜米於窮民紀聞○令十二月松平康福

為老中阿部正充為大阪城代一本續覽○十三年春

三月井上利容辭老中井上家譜○冬十月以伏見貞行

閑院美仁有栖川織仁並為親王○十一月奉幣於

大廟告嗣位行即位禮補任狀留散○明和元年春二月

朝鮮來聘通書引○三月親王織仁為兵部卿○夏

四月朝鮮聘使館於大阪盜火其館及象胥之家府

吏搜索而戮之帥○以所司代阿部正右為老中○

六月改元明和○阿部正允轉所司代松平兼佑補

大阪城代○冬十一月大嘗滋帥拾露○琉球入貢○十

二月以法親王尊真為天台座主紀聞○二年夏五月

多喜安元講醫書於神田踰躋哥館年表○秋九月造

鐵錢銀幣欸幣曰文字五匁錢入曰寬永通寶風也集

○是歲填大阪江戸壕堀江富島起市街紀聞○三年

德川家基為權大納言叙從二位家基家治之嗣子

補任家傳○初幕府毀京師東郭北白太內東南至二條

後又毀二條以南六條坊門以北至是復毀坊門以

南六條以北文祿之役豐臣秀吉在肥前那古耶獲

朝鮮都府圖善其竹堡模築之示師使前田玄以細

川藤孝掌其事周回七里象紫微垣以畫都鄙後昇

平日久市街益起故元祿後毀其東西更以鴨川為

疆紀開○秋八月親王英仁始讀書清原宣條侍讀本

紹運錄○永富鳳平年三十三鳳長門人號獨笈庵

初在山脇尚德與飛鳥翰相善一日話及糖事翰

曰我鄉長崎有長慶者受糖製於清人鳳與其兄往

師之後至名護屋造之兄則入萩城製之先是家重

令長崎平戶造糖不得其製而罷及聞尾張長門所

出糖品踰漢製遣吏按問鳳等盡秘訣授焉時寶曆

六年十一月也龍談年表○四年秋八月講兵師山縣大

貳藤井右門以談江戶城及甲府要害伏誅長年表○冬

十一月朔日南至散狀○十二月家治賜新井孫助

白金聽佩刀孫助武藏足立郡家農也父某築長埕

埕上設第宅及廐名曰水塚每有水災輒招鄉黨隣

里舍焉與食賑之孫助善繼其志去歲之水浮舟載

人賑恤至二百餘日故有是賞○五年春二月立

親王英仁為皇太子御右大臣輔平為傳家傳○夏

五月鑄銅錢錢背畫波以一當四世呼四文錢風也

○攝政內前為太政大臣○秋九月皇太子加冠納

藤原維子為妃維子內前之女也○冬十月奉幣於

七廟○十二月京極親王家仁薨子公仁嗣補任○

六年春三月水戶參議治保請家治以其久慈郡所

出鐵鑄錢七十萬貫文曰寬永通寶背文曰久紀○

夏五月京師及諸國雨毛長七八寸色混黑白續一本

覽○紀事云雨庚毛其色淡白而其味鹹○秋七月老中阿部正右卒○

八月板倉勝清阿部正允補老中土井利里為所司

代○東國大風深川三十三間堂倒年○冬十月有

柵川親王職仁薨子織仁嗣圖○七年春三月家治

奉勅修櫻町宮令藤堂高悠南部利雄松浦誠信助

後紀○夏五月不雨年○六月一品親王公仁薨無

嗣○閏月內大臣道前薨○秋月赤氣見北方至

夜光甚輝燄如火紀○八月雨也○權大納言

表也

藤原季晴為內大臣○九月櫻町宮成○冬十月攝

政內前辭太政大臣宣下○十一月帝讓位於皇太

子在位八年改元者一曰明和皇太子立是為後桃

園天皇近代系

後桃園天皇諱英仁桃園帝第一子母恭禮門院明

和五年立為皇太子至是受禪時年十三御譜○尊先

帝曰太上天皇○十二月修安鎮法於仙院散狀○

是歲京師町奉行石河政武任滿還江戶政武聰敏

明決決獄如神其初就任決累尹不能決之獄三十

改戶券之廳章開東寺南門以便通路至是上下憎

別皆送至石部驛揮淚而歸紀聞○八年春正月上皇

徙御新宮閑詔○夏四月內大臣季晴以權大納言

言藤原輝良代之輝良道香之子○奉幣於大廟行

即位之禮近代系譜○五月尊准后富子為皇太后紀聞

○冬十一月攝政內前復為太政大臣補任家傳○大嘗

留狀○安永元年春正月家治以田沼意次為老中

田沼詔○二月江戶火延燒郭內諸門樓堞邸商戶

及寬永寺皆蕩燼蓋明曆以降之大災也風也集○



夏六月伏見親王貞行薨年十二圖○秋七月西海

大風水長崎海溢舸舶皆漂上街八月南海東海大

風屋倒樹拔人畜多死一本續覽風也集○九月家治鑄銀

幣文曰以南籙八片換小判一兩其量二錢七分謂

之二銖銀表年○冬十一月改元安永○十二月後三

位藤原維子為女御○二年春三月天皇患痘○冬

十月勅贈僧良忍聖應大師號良忍攝津大念佛寺

祖也風也集○三年春三月詔神祇伯源資顯修稻荷

之紀○秋月右馬大允津田義見圖書少允田村

廣敬左衛門大尉服部廣雄處斬流高屋康昆藤木

保顯等先是義見等稱供御費多私金是發覺爾

後家治使吏入掌御費某氏筆記切紙張寫○冬十二月詔勸

修寺門主寬實還俗更名邦賴叙親王以繼伏見殿

邦賴親王貞建之子也○四年春三月修後醍醐天

皇四百五十年齋於伯耆安養寺○冬閏十二月內

大臣輝良羅權大納言源前豐代之羅權大納言藤

原賞季代之羅輝良復往補任宣下留○五年夏四月天

下麻疹事紀○是歲池野無名卒無名京師人善書畫

自號大雅堂嘗登富嶽製百富士圖又登立山白山

寫其峭拔之勢因又號三岳道人後又號霞樵人推

為吾邦倪黃云紀○六年秋八月所司代土井利里

卒○九月大阪城代久世廣明為所司代牧野貞長

為城代○冬十二月關白太政大臣內前准三宮○

是歲阿波定方女子年十六變為男子北憲○初清

鮑以文收太宰純所定古文孝經於知不足齋叢書

中是刺本始末紀○七年內前關白太政大臣

左大臣尚實為關白○秋七月京師大水關下諸第

墻及日川堀河等石橋大垣皆壞風也集○又十

一月關白尚實辭左大臣○十二月右大臣輔平轉

左大臣前內大臣經胤陞右大臣○八年春正月經

胤辭右大臣前內大臣季晴代之○二月權大納言

德川家基薨年表○三月季晴辭右大臣內大臣輝良

代之權大納言藤原經熙補內大臣經熙內前子○

夏六月女御維子准后○秋九月帝不豫○大隅薩

摩地大震櫻島焚至十月火始滅鹿兒島名勝櫻島

在薩南周廻七里島腰有田人戶頗多初火起聲如雷石轉沙飛屋舍田園皆埋沒人畜焚死時海中涌出一小島南海及關東雨灰白如雪皆櫻島所噴也

新著聞集

○天皇疾病奉幣於大廟行神樂於內侍所○

十一月帝崩年二十二稱後桃園天皇在位十年改元者一曰安永開院親王典仁第六子立是為光格天皇

光格天皇諱兼仁東山帝曾孫而先帝之再從弟也

明和八年生於開院殿

帝王系圖皇代紀事

至是繼太統時年

九歲以關白尚實為攝政左大臣輔平右大臣輝良

內大臣經熙並如故○初先帝之疾也上皇以其無

子與准后內前謀欲迎崇光皇裔伏見貞敬有故不

果及崩關白尚實奉遺詔迎帝立之紀聞○十二月葬

後桃園天皇於泉涌寺年代畧記○九年春三月修曼陀

羅供於仁和寺○夏六月霖雨寒如冬風也集○老中

板倉勝清卒板倉家譜○秋八月將軍家治陞右大臣○

冬十一月奉幣於大廟十二月行即位禮近代系圖○開

院親王典仁叙一品以先帝女欣子為內親王關白

尚實進太政大臣補任紀事○天明元年春正月帝

元服太政大臣尚實加冠左大臣輔平理髮○尊嫡

母准后藤原氏為皇太后其信○夏四月改元天明

○五月帝始讀書○閏月所司代久世廣明為老中

大阪城代牧野貞長代之土岐定經為城代○攝政

尚實辭太政大臣○家治養豐千代為世嗣更名家

齊家齊一橋治濟之子也表年○秋九月老中松平輝

高卒系譜○二年春三月德川家齊為權大納言叙

從二位表年○夏五月紫野及竹田松生華共如蜂房

○秋七月關東地震相摸最甚函根山崩小田原城

壞○八月江戸海溢○九月大阪城代土岐定經卒

○十月戶田忠寬為大阪城代○三年夏五月上野

草津溫泉暴熱浴人爛死雨夜生蝕聞紀○六月諸國

大水寒如冬人咸服綿衣風也○秋七月上野信濃

地大震淺間嶽及草津山火時熱泥沸湧利根川溢

漂沒三十五村溺死四萬餘人是日江戸雨灰如雪

明政○八月東國饑南部最甚斗米直二千五百錢

餓莩相望聞紀○冬十月稱皇太后曰盛化門院明年

賣

二十五葬於泉涌寺○十一月停新嘗祭○四年春

正月朔停朝拜節會皆以諒闇也散狀○三月家治

奉穀千石於閑院親王後以為恒以其為帝生父也

紀○佐野政言殺田沼意知於城中意知為若年寄

特權虐下嘗借政言秘書而不返政言怨恨遂害之

世人稱快懶○夏五月天下饑家治發穀以賑之○

牧野貞長為老中戶田忠寬轉所司代阿部正敏補

大坂城代○是歲陸奧國主伊達重村鑄萬鐵錢行

之其部内文曰仙臺通寶年表○五年春正且畿内大

雷風也○老中久世廣明卒水野忠友為老中○二

月攝政尚實為關白○夏六月旱○秋九月琉球大

饑將軍家治貸米萬包金萬兩於島津家重以賑之

年表○六年春正月朔日有食之○二月帝欲製國詩

以賀家治五十令閑院伏見兩親王及關白尚實以

下四十九人賦寄鶴祝以賜家治年表○秋七月關東

大水江戶諸川溢街頭水六七尺橋皆墜唯兩國橋

存而已風也○九月將軍家治薨年五十○冬十月

葬於寬永寺詔贈太政大臣正一位謚俊明○閏月

鳥居忠意為老中明政○削田沼意次封二萬七千

石尋平年六十初意次歷仕二世甚得寵幸奢侈聚

斂無所忌憚是秋家治因病稍知其不臣意次不自

安稱疾辭職至是以遺命禱封意次意知之父也州翁

鑑武○冬十一月朔日南至詔修旬節散狀○七年春

三月尚實辭關白左大臣輔平為關白○權大納言

家齊為征夷大將軍遷內大臣時年十五補任○夏

四月所司代戶田忠寬罷松平衆完代之○大阪城

代阿部正敏平堀田正順為城代○五月關白輔平

辭左大臣命大臣輝良遷左大臣經熊為右

大臣權大納言藤原家孝為內大臣家孝前內大臣

經秀之子○大阪江戸神奈川小田原林田熊本皆

饑民蜂起侵掠豪富家齊遣吏鎮之州翁○六月諸國

大饑飢民集於闕下祈穀價賤○白河城主松平定

信為老中之信少有賢名癸卯之冬免部內田租放

婢妾數十人身衣濟衣食菜羹以賑饑民至是登庸

年表一本○冬十一月奉幣於大廟○大嘗補任散

○十二月家齊遣岡部長備收相良城井上正甫本

多正溫西尾忠移毀之各有所分正甫正溫月餘不  
奏功忠移獨購求漁網懸之樓櫓以輾轡引而倒之  
一日而畢家齊賞其機敏讓正甫正溫遲緩相良故  
田沼意次遺城也紀聞○八年春正月大内災帝奉  
神器避火於下加茂即夜幸聖護院上皇幸昭高院  
以為行宮迫畿諸侯馳集而龜山城主松平信道先  
至奉護鳳輦及行宮之定勅准四位侍從是災也公  
卿第宅百三十區武人館舍六十區民屋千八萬三  
千佛寺九百二十計湯燼焚死者二千六百餘人

續○二條城番石川甚四郎謂番長甚四郎連發倉

賑都下人某曰請江戸而後發甚四郎曰歲歉且災  
民之迫饑餒何待教命之有其擅發之罪請吾獨當  
之遂發穀以賑之家齊聞之擢甚四郎為大監察紀聞  
○三月家齊造大内課諸侯助役老中定信監功表  
○法親王公遵薨○夏四月一品法親王忠譽薨皆  
中御門帝皇子也紀聞○家齊流大阪代官青木楠五  
郎在職數十年賊財至巨萬金故罰之○五月收小  
堀政彌封放之小田原政彌為伏見奉行奪婦女殺



無辜淫酗肆虐靡攸弗暨民訴之江戶乃奪職詰其

罪時人稱快

年表一本續一覽

○秋九月家齊課五萬石以

上諸侯築宮垣

明政間記

○寬政元年春正月朔帝在行

宮停三節會○改元寬政

補任亮信記

○大赦復今年徭

之半

翁○夏四月所司代松平乘完為老中太田資

愛為所司代○五月家齊辭內大臣權大納言藤原

政熙為內大臣政熙輔平之子○蝦夷酋長月野柄

殺松前監吏及南部商九十餘人初商人某請松前

主開市於俱奈尻賣酒米烟中賂監吏以網市利

民忿恨月野柄乃將五百人夜襲市場鑾之家齊聞

之命松前道廣討之其將見次某率兵艦三十先發

未至賊皆逃亡

紀聞

○秋七月定諸國娼戶嚴禁主妓

○京師町奉行池田金時任滿歸江戶金時蒙邁明

決每言罰一誠衆吾之律也大災之後米價既低而

奸商等猶相謀不低價金時怒微服至其魁首沽米

及其俯而升之直拔刀斬之諸商驚駭米價頓賤○

九月家齊令諸侯各置預備倉每秩萬石積粟五十

石

年表○二年春正月青倚門院崩年七十五葬於泉



涌寺門院甚信佛法親寫大般若經六百卷二十餘  
平而成光明檀林以後所不有也補主亮信○三月

詔曰群臣諸司勤儉以事一人貢獻贈遺勿用華麗  
之品補○紅毛來貢○秋八月大內成○九月修安

鎮法於新宮○冬十月帝及上皇從御新宮縱民觀  
儀補地○戶田氏教為老中○家齊賜名刀於松平

定信柳生久通池田金時等以慰造宮之勞○琉球  
入貢○仙臺主伊達宗村從儒士田邊希文巡視封

女督不舉請救之既竟問之村民果如夢中言於是

告宗村之每生女給米一石錢五百之制○是歲家

齊減荷蘭商額給銅六十萬斤定五歲一貢之期紀聞

○三年春三月勅修曼陀羅供於蓮華王院左中辨

藤原昶定奉行散狀○夏六月皇子禮仁為親王翌

日薨○秋八月輔平辭關白左大臣輝良為關白○

冬十月始置醫學館令多喜安長管之明和中多喜

安元私集子弟講醫書至是建為公館賜二百金供

費用安長安元曾孫○十一月關白輝良辭左大臣

經熙罷右大臣內大臣政熙轉左大臣權大納言藤  
原治孝為右大臣權大納言源信通陞內大臣○四  
年春正月信通罷前內大臣家孝復任家孝罷藤原  
賞季復任之○二月賞季罷權大納言藤原忠良為  
內大臣治孝宗基之二子忠良輝良之子○夏四月  
島原地熱人艱行步是夜山上發火熱水涌海亦溢  
漂流民舍溺死者五萬餘人泥談塵○秋八月所司  
代太田資愛罷堀田正順為所司代牧野忠精為大

後代間○九月家齊始識科於湯島問所吏

寄舍以下士應之其及策者賜時服銀帛有差爾後

四歲一試

紀年表

○五年春二月中山大納言藤原愛

親正親町大納言藤原公明至江戶初帝欲尊生父

親王典仁為太上天皇傳旨於家齊家齊以為不可

召二卿詰之二卿辨論及詰家齊怒幽二卿於其第

年表

○三月太田資愛為老中○有栖川韶仁為親王

○夏六月林子平卒年五十六子平幼而機警既長

嗜學慷慨有大志好周遊四方健步無比西窮肥薩

東北入蝦夷所過觀古昔英雄戰爭之跡考其攻守

讀

勝敗之所由而尤所注意在乎邊防遂著海國兵談

三國通覽二書梓以行世家齊以其論海外事命鐫

其書錮之仙臺子平作六無歌端坐一室而後前哲

平碑銘○老中松平乘完卒安藤信成為老中○秋九

月魯西亞人送我漂氏米蝦夷乞互市漂氏伊勢白

子之船子也天明初駿河遇颶漂到魯西亞居十二

年而歸一本續○冬十一月家齊遣石川忠房村上

義禮等於蝦夷謝魯人曰此地不管外國事西陲有

畏崎者是我國應接之地宜就而請焉但我邦禁互

市久矣徒致國書無為也乃遣歸之紀○十一月以

內親王欣子准三宮補○是歲高山正之卒正之字

仲繩稱彥九郎上野人為人精悍倜儻好擊劍唱大

義跋涉天下鼓舞志士參入京師先至三條橋上遙

望天關跪地振董曰艸莽臣正之途人恠笑不以為

意嘗鞭笞利尊氏墓數其罪惡曰而何物敢害忠良

戕皇子虐萬衆之君且言且鞭慷慨淋漓聲淚共隨

其音足感木石云操高山○六年春三月准后欣子為

中宮補○秋七月一品親王典仁薨追尊曰自

狀留散

在王院葬於廬山寺子彈正尹美仁嗣續承圖一本○

九月修放生會紀聞○七年冬十月關白輝良薨○十

一月左大臣政熙為關白亮壽記○八年夏四月關白

政熙辭左大臣右大臣治孝轉左大臣前內大臣家

孝為右大臣○秋九月家孝罷前內大臣賞季為右

大臣○冬十二月賞季罷內大臣忠良遷右大臣權

大納言藤原實起為內大臣實起李晴之子也○琉

球八貢表年○九年春三月以德川家慶為權大納言

叙從二位家慶家齊嗣子實起○內大臣實起

權大納言藤原齊通為內大臣齊通治孝之子補任

拙記○秋八月築天文堂於三條詔天文博士安倍泰

榮測景改曆○伏見貞敬為親王○冬十月改曆成

更名寬政曆頌之天下一本續一覽野史○紀○是

歲清人貢山井鼎等七經孟子考文二百卷開紀○十

年夏五月內大臣齊通罷家傳○秋七月方廣寺火安

永中雷震此堂良隅檐破碎至是脩補成復震良隅

遂延燒門廊時人異之明政記○權大納言藤原實祖

為內大臣○冬十月所司代堀田正順罷牧野忠精

為所司代松平輝和為大阪城代○十二月內大臣

實祖罷權大納言藤原實種為內大臣補任家譜○是歲

家齊使近藤守重按蝦夷守重到惠土呂府魯西亞

既建其十字柱於是地守重命木村謙拔十字柱易

以木標謙執筆大書大日本惠土呂府魯西亞志圖

南既已如此詩史○十一年春正月家齊命堀田正

敦正穀撰寬永以來宗支冊合之寬永系圖傳名曰

寬政重修諸家譜至文化中成一千五百卷紀聞○詔

罷權大納言藤原基前為內大臣其前經照之事○

家齊遣松平忠明石川忠房羽太正養於蝦夷設互

市場於箱館令南部津輕二藩戍之明政間記○夏四月

修曼多羅供於仙院敬宗○冬十一月賀上皇壽六

十奏舞樂於禁中紀年○十二年春三月皇子溫

仁為親王夏四月薨近代○五月家齊使渡邊胤太

河內政壽三攜成方等戍惠土呂府紀聞○秋八月孝

義錄五十卷成家齊賜時服白銀於林信徹柴野邦

彥尾藤良佐山上藤一以賞編集之勞本續○冬

覽

冬

十二月雷震四天王寺堂塔門廊咸燼風也集○享

和元年春二月改元○三月遣權大納言藤原愛德

奉宸翰於大廟補任敬○家齊使戶川安倫大河内

政長巡視蝦夷年表○夏六月出羽土寇起伊達周宗

上杉治廣擊平之風也集○秋七月所司代牧野忠精

為老中土井利厚為所司代○八月本居宣長卒年

七十二宣長伊勢松坂人初業醫後從賀茂真淵學

國書著古事記傳駁我慨言等皇風大振好事者圖

傳世○二年春二月道蝦夷奉行以羽太正養戶

川安倫充之後改為道館奉行紀○夏六月畿内連

江大水泛河決牧方以西河涸船自河内通至十一

月河道復舊忠貞筆記○秋九月一品親王邦賴薨系圖○

冬十月所司代土井利厚為老中青山忠裕為所司

代○三年春正月修紫宸殿承明門匾額博士賀茂

保考書之補任一本○奉幣於大廟及住吉亮壽記○

夏六月諸國麻疹○秋七月斬日蓮宗僧日道以其

淫嬖不律也一本續○文化元年春二月改元○奉

幣於七廟○三月奉幣於宇佐香推二廟補任年○

幣於七廟○三月奉幣於宇佐香推二廟補任年○



夏四月所司代青山忠裕罷稻葉正謙為所司代○  
秋七月大僧正高演奉勅詣大峯○九月魯西亞人  
送我漂民來乞互市漂民仙臺梢子也寬政癸丑冬  
遇颶於岩城洋甲寅夏漂到東北一島魯西亞東境  
也乙卯夏西南到屋和都加乘馬經曠野六閱月抵  
伊兒哥都加留營生業居八年國王徵之乃乘駟西  
北行五十日始到國都王親問欲還本國否四人請  
歸餘皆乞留於是載之使蒞船西航海三十餘日經  
廣人利與荷蘭國南走到南亞米利加又西北折國

我東洋泊加模緒都公其間小島三十一其十八屬  
魯西亞三屬我每島相距一二日程歸到長崎自魯  
西亞國都至此水路凡一萬三千里是為我邦一周  
海之始異聞○是冬家齊遣僧莊海於東蝦夷弘淨  
土宗蝦夷有佛法始此紀○二年春二月家齊遣遠  
山景普於長崎賜米百苞鹽千苞及綿薪水於魯西  
亞船謝送來之勞而不聽其請異聞○夏五月增津  
輕寧親封以其連年精勤於蝦夷地也表年○秋八月  
法親王真仁薨○二年春三月江戶大災侯邸商宅

神祠佛刹延燒凡二十八萬餘戶焚死千二百餘人  
家齊設救恤場於各處為食賑之諸侯豪商餒之者  
多○夏五月松平信明為老中○秋九月魯西亞船  
泊唐太焚朧高柵執戌卒而去朧高柵松前氏所置  
也○冬十一月琉球入貢奏樂饗之化政○十二月  
藩翰譜續編及系圖備考成○四年春正月所司代  
稻葉正謀罷阿部正由為所司代○三月徙松前章  
廣於陸奧梁川松前家譜○夏四月魯西亞船二隻泊惠  
上島府定名蘭德柵凡以平進北舍耶泰

斬賊數人是夜賊反襲戌兵敗退賊乃焚掠器械  
而去又泊朧高家齊傳檄東陞諸藩以備之○五月  
賊抵理井尻島使所捕唐太戌卒齎書而歸其書曰  
敢乞互市不聽則明年大舉來略蝦夷○六月家齊  
遣老中堀田正敦大監察中川忠英等巡察蝦夷地  
○秋七月漕米一萬五千石於箱館以充軍糧化政  
○八月永代橋斷墜死者七百餘人是日屬深川八  
幡神祭儀觀者傾城皆由此橋因以有此禍也○九  
月以皇子寬宮為親王改名惠仁○冬十月家齊置



松前奉行以河尻村垣二人為之使井上左太夫巡視下田浦賀及安房上總海岸○十二月命保科容衆伊達周宗發兵六千餘人戍蝦夷小管正容村上義雄監之紀聞年表○是歲皆川愿榮野邦彦皆卒邦彦字彦輔號栗山讚岐人既宗學之衰頹極力起之名動京師天明中幕府召皆川愿不起更辟邦彦為侍講大得其志世推為朱學之中興愿字伯恭號淇園京師人叢談年表○五年春二月改鑄太政大臣印○三月以關隴孝仁為親正○夏四月家齊集續後相

模三崎命岩村正倫掌事○秋八月英吉利船一隻

泊長崎抄掠民家遂至官廳乞糧牛薪水奉行平康英飛檄於肥筑二藩將燒夷之二國之兵未至而船既遁去康英悔其失機自殺以謝化政口記○冬十一月正容義雄徹蝦夷戍而歸○十二月家齊命南部利敬津輕寧親鎮東西蝦夷紀聞○所司代阿部正由巖酒井忠進代之○六年春正月浙江商船漂泊日向福島年表○三月立親王惠仁為皇太子右大臣忠良傳之○冬十二月帝賀上皇壽七十奏樂於宮中紀事

交名○七年夏四月法親王承仁為天台座主○秋

九月以皇子盛仁繼京極殿更名桂殿自親王公仁

薨四十年於此皇子出居為皇子帝第五子紀○冬

十一月德川治紀獻大日本史於京師先是治紀奏

請公大日本史之名且上梓詔許之至是成納之御

庫本書○八年春三月皇太子元服右大臣兼東宮

傳忠良加冠權中納言兼東宮權大夫藤原家厚理

髮帝王系譜○朝鮮來聘家齊遣小笠原忠固賜坂

安重校對馬受之年○夏五月以皇子盛仁為親王

薨甫二歲○曹苗亞船長伊利古留至理并親使公

人上陸詣泊崎柵我戌卒而縛之紀○冬十月修

懺法講於清涼殿法親至承真主之事紀○大寬日記

成本書○九年夏四月老中松平定信罷定信自歸

樂翁多才能文其在職務修仁政禁奢靡張文教嚴

武備天下大治時稱良輔聞其致仕莫弗愛惜者平

諺○秋八月伊利古留又至理并尻使三人上陸詣

還八虜不聽三人患土呂府戌卒嘗為彼虜者一人

尾藝高漂至彼者二人於是皆回紀○九月下總藤

原

代驛女年甫八歲產男子母子健乳亦濕風也集林某書

記○十年春三月修石清水臨時參具典廢者數百

年至是復之○夏五月伊利古留復來上書曰往歲

犯惠土呂府唐太皆屬國加摸補都加無賴少年所

為而非吾王所知也王今既罰之禁其赴貴國使臣

等謝之願歸八虜○六月使松前奉行服部貞勝答

曰獻嚮所掠器械及乞謝書則聽之○秋九月伊

利古留詣箱館壘獻謝書還器械乃歸八虜賜糧及

薪水遣歸○冬閏十一月上皇崩年七十七薨後櫻田

天皇○十一月葬於泉涌寺○展上皇遺墨修金明

真言供於櫻町殿○十一年春二月左大臣治孝罷

○夏四月右大臣忠愛戰左大臣前內大臣實起為

右大臣○諸國旱○秋七月始雨聞○九月關白政

熙罷左大臣忠良代之右大臣實起罷內大臣基前

為右大臣權大納言藤原愛德為內大臣愛德常雅

之孫○冬十一月復加茂臨時祭○十二年春正月

關白忠良辭左大臣右大臣基前遷左大臣前內大

臣實祖為右大臣○二月實祖辭右大臣愛德罷內

大臣

大臣權大納言藤原政通為右大臣權大納言藤原  
 齊信為內大臣政通政熙之子齊信齊通之子也○  
 夏四月詔修萬部會於寬永寺○所司代酒井忠進  
 罷大久保忠真代之○秋八月禁銅小倉城主小笠  
 原忠固於其邸其宰出雲擅權為奸群臣憤怒皆出  
 奔他國忠固不能制至是有此譴年表○十三年春  
 三月家齊為右大臣權大納言家慶兼右近衛大將  
 ○冬十二月仙洞宮營繕成○十四年春二月以伏  
 見邦家為親王○三月京師雷雹雨雹極大苗○天

皇禪位於皇太子即明寬政櫻町殿在位三十七年

改元者四曰天

孝天皇

續續皇朝史略卷之五終

明治六年六月 官許  
同七年八月刻成

長門 石村貞一纂輯

陸前 大槻清崇刪定

東京 渡邊約郎藏版

製本所 東京大傳馬三丁目 東生龜治郎  
大塚齋 梶田喜藏